

چیزدک محاکمہ

جمعہ ایرتسی

تومرو	محرم الحرام	سنہ	حریران	سنہ	صفیہ
۹۸۲	۲۸	۱۳۱۶	۶	۱۳۱۴	۱۴۰۲۹

(استبوغتہ بہر ہفتہ جمعہ ایرتسی کوندری جبقار . سنہ لکی درسعادت ایچونہ مجبیرہ بکرمی غروسہ)
 (مسایلہ التسمہ غروسہ . طرہ لہ ایچونہ اوزہ بسہ غروسہ یوسہ اجرتی ضم اولنور . بہر)
 (نسخہ سی بنہ مجبیرہ بکرمی غروسہ اولوہ اوزرہ یوزبارہ لہریدہ صلیبور . درج اولنہ جوہ اعلا ناک)
 (لہریدہ برمجیرہ اخذ اولنور . سنہ لکہ مشتری اولوہ استیاندر عدلیہ نظارتی دارہ سندہ لائہ جریبہ)
 (محاکمہ ادارہ سنہ مراجعت ایلملیر) .

قسم غیر رسمی

اردک بدایت محکمہ سندن ۲ اغستوس
 سنہ ۳۱۰ تاریخ وقرق یدی عددی ایلہ ویریلان
 اعلامدن مابعد

ایلمسی ومدعینک مبرز سند مندرجاتی کلیاً انکار
 ایتمسی اوزرینہ اولبابدہ اجرا قلنان محاکمہ

وتدقیقات نتیجہ سندنہ مدعی علیہک عقد بیع حقندہ
 اقامہ ایلدیکی شہود فعلہ شہادت وزماندہ اختلاف
 ایلمس اولدقلری جہتلہ شہادتلری شایان قبول
 کوریلہ مدیکی کبی مذکور سند مندرجاتی دخی
 باغ مذکورک بورجہ مقابل بیع اولندیغندار
 برکونہ صراحتی شامل اولیوب تماماً بدلی الندیغنی
 مشعر اولمسی مدعی علیہ وکیلی بوبابدہ برکونہ
 اوراق مثبتہ ابراز ایدہ مامسی ایلہ منازع فیہ باغک
 محصولندن تسویئہ دین ایلمک اوزرہ مدعی علیہہ
 تأمینات اولہرق ویرلدیکی تحقق ایتمسنہ بناءً عقد

بيعك عدم صحته مدعى عليك مداخله سنك منعه
وتحت اقراره بولسان اوني ليالك مدعى
طرفدن مدعى عليه پرودروموسه اعطا ايدلسنه
حكمندن واشبو حكم عليهنده مستدعى تمیز
پرودروموسك باشلوجه اعتراضی ذی الیدلكك
بالینه اثبات اولنماسی واقعه اولنان شهودك
شهادتی مجلهك بیکیدی یوز اونی اوچجی مادهسی
موجبجه فعله شهادت اولیوب بایلك قول قیلندن
اولان بیع وفروخته شهادت صورتده وقوع
بولمش وقانوناً مقبول بولشمس ایکن محکمهجه قبول
ایلامسی مخالف قانون اولدیغندن بحثله اعلامك
نقضی استدعاسندن ومدعى عليه اورینوسك نتیجه
جوانی دخی غصب دعوالرنده ذی الیدلكك بالینه
اثباتنه حاجت اولدیغی کی شاهدلكك شهادتده
اختلاف اولدیغی مندرجات اعلامله مثبت بولندیغی
بیانیله اعتراضات مسرودهك ردی وموافق قانون
اولان اعلامك تصدیقی طلبندن عبارتدر .

ایجابی مذاکره اولدوقده اعلام مذکور
مأئندن مستبان اولدیغی اوزره مدعى عليه پرودرو-
موسك ابراز ایلدیکی سند مدعى وکیلنه بالاراهه سند

مذکور زیرنده کی امضا موکلنك اولوب اولدیغی
سؤال اولنه رق انکاری حالنده اصول محاکمه
حقوقیه قانوننك تطبیق خط وخاتم فصلنه توفیقاً
تدقیقات اجرایی لازم کلورکن بویولده اجرای
معامله ایدلماش اولدیغی کی شهادت واقعه قبول
قیلندن اولان مجلهك بیکیدی یوز اونی دردنجی
ماده سنك ایکنجی فقرهسی موجبجه شهود
مرقومهك زمانده اختلافلی شهادتلینك قبوله
مانع اوله ماز ایکن محکمهجه قبول ایدلماسی
وخصوصیه شاهدلكك اسباب سائر قانونیه دن
طولای شهادتلینك قبول اولدیغی حالده مدعى
عليك بوبابده مدعى به بریمین تکلیفی حق درکار
بولشمس ایکن بوجهتك دخی نظر دفته انماسی
یولسز اصول وقانونه مغایر اولدیغندن اصول
محاکمه حقوقیه قانوننك ایکی یوز اونوز ایکنجی
مادهسی موجبجه اعلام مذکورك نقضیه قانون
مزبورك ایکوز قرق دردنجی مادهسی حکمنه
توفیقاً کیفیتك صور محرره دائره سنده بالرؤیه
اعلامه ربطی ضمننده محکمه مذکوره به اعاده سنه
وزیرده مفرداتی مرقم اوچوز طقسان التی بحق
غروش مصارف تمیزیهك ایلروده حقسز حقیقه حق
طرفه رجوع ایتمك اوزره اول امرده مستدعى

تمیزدن اخذینه ۲۶ مارت سنه ۳۱۲ تاریخنده
اکثریت ارا ايله قرار ویرلدى .

چاقاقچیر یقوشنده جعفریه خائنده اونی اوچ
نومرولی اوپوده ساکن پولچهجی خچاطور ايله
جراح پاشاده مقیم مالیه نظارت جلیله سی دفتر
خصوصی اوپه جیسی ابراهیم اغا پیننده متکون
دعوايه دائر محکمه استیناف حقوق قسمندن
۲۸ تشرین ثانی سنه ۳۱۲ تاریخ وایکی یوز اونوز
عددی ايله ویریلان اعلام مرقوم خچاطور
طرفندن تمیز اولمغله طرفینك اعتراض وجواب
لایحه لرله بالمطالعہ تدقیقات تمیزیه اجراسنه ائستار
اولندی .

اعلام مذکورك خلاصه مالى مزبور
ابراهیم اغانك مرقوم خچاطوره تقدأ وحواله
دینی اولان اوتوز یدی لیرا التمش غروشه محسوباً
یکرمی عدد سیم مجیدیه تسلیم ایدوب متباقی اوتوز
لیرا اونی غروش بورجی قالدیغی حالده اخیراً مرقوم

خچاطور کندوسنی بالاغفال اناطولی صدارت
عليه سنده یتمش یدی لیرا دینی اولوب برسنه مدته
تأدیه ایتمدیکی صورتده مرکبیر قصبه سنده کان
زوجه سیله بروجه مناصفه متصرف اولدقلری برباب
خانه ايله بش قطعه ترلاده کی حصه لری صاتیله رق
ائمانندن تسویه دین ایدنك اوزره برادری
ماردیروسی وکالت دوریه ايله وکیل ایلدیکنی ناطق
برقطعه حجت شرعیه استحصال ایلش ومؤخرأ
کندوسنه اخبار ایدلکسزین بلا حکم مذکور
خانه وترلاری مخلیجه مرقوم خچاطور کندوی
نامنه فراغنی اجرا و عائله سی تهی دست برائش
واساساً دینی اوتوز درت لیرا اونی غروشندن
عبارت اولدیغی حالده حجت شرعیه تاریخندن
ایکی ای صکره قرق بش لیرایه برقطعه سند اعطا
اولنه رق صلأ تسویه مصلحت ایدلش وسند مذکور
مرقوم خچاطورك یدنده بولندیغندن بحثله مذکور
خانه وترلاره واقع اولان مداخله سنك منعیله
مبحوث عنه حجت وسندك طرفنه اعاده سی حقنده
اقامه ایلدیکی دعواسنك ردینه دائر بدایه ویریلان
اعلام غیابی اغای مرقوم طرفندن استیناف ایدلکله
جریان ایدن تدقیقات استینافیهجه حکم ابتدائینك
فسخیه دعواى واقعه دن طولای قرق بش لیرایه
ضم وقوعبوله رق اولیابده تنظیم اولنان سندك

صراف فیلیوسه تسلیم اولدیفنی مستأف ابراهیم
اذا اثبات ایدم مدیکی صورتده مستأف علیه
خجاطوره یمین تکلیف ایلک اوزره مرقوم
خجاطورک قرق بش لیرادن فضله سی حقنده کی
ادعاسنک ردیله مستأف ابراهیم اغایه قارشو
بیوجه معارضه دن منعه و منازع فیه املاک و ترلارک
اعاده سنه دأر صادر اولان حکم غیابی مرقوم
خجاطور عدم قبول ایله اعتراض علی الحکم اتمسی
اوزرینه و جاهاً جریان ایدن محاکمه و تدقیقات
استینافیه نتیجه سنده معترض علیه ابراهیم اغا معترض
مرقوم خجاطوره دینی اولان یتیم یدی لیرانی
اخیراً قرق بش لیرایه صلح اولدیفنی سرأ و علناً
اجرا قلنان تذکیر لردن عدل و مقبول الشهاده
اولدقلری تحقیق ایدن شهودک شهادتلیله اثبات
ایتمش اولدیفندن معترض مرقوم خجاطورک قرق
بش لیرادن فضله سی حقنده کی ادعاسنک ردیله
مرقوم ابراهیم اغایه قارشو معارضه دن منعه
و منازع فیه اولان املاک و ترلارک مرقوم ابراهیم
اغایه اعاده سنه حکمدن و مستدعی تمیز خجاطورک
اشبو حکم علیهنده لایحه سنده محرر اعتراضاتک
باشلوجه سی اساس دعوی سنه مستند اولوب
سینه قارشو قانوناً شهود استماعی جائز اولدیفنی

ایجابی مذاکره اولدقدده اعلام مذکور
مطالعہ سندن منقہم اولدیفنی اوزره مرقوم ابراهیم
اغا با حجت شرعیہ دینه محسوباً یکرمی عدد سیم
مجیدیه تسلیماتی اولدیفنی و متباقی دینی قالان یتیم
یدی لیرادن دخی اخیراً قرق بش لیرایه صلح
اولدیفنی بیان و بوادعاسنی شهود شخصیه اقامه سیله
اثبات ایتمش ایسه ده بویله سند رسمیه قارشو
وقوعبولان مدافعه نک ینه سندله اثباتی لازم کلور
ایکن خلاف قانون اوله رق شهود شخصیه
استماعیه حکم ایدلسی یولسز و مغایر قانون
اولدیفنه و مستدعینک اعتراضی دخی بوجهته متدأر
اوله رق شایان قبول بولندیفنه بناءً اصول محاکمه
حقوقیه قانوننک ایکوز اوتوز ایکنجی ماده سی

موجبجه اعلام مذکورک تقضیه قانون مذکورک
ایکوز قرق دردنجی ماده سی حکمنه توفیقاً
کیفیتک صور محرره دأر سنده بالرؤیه اعلامه
ربطی ضمیمه محکمه مذکوریه اعاده سنه وزیرده
مفرداتی مرقم اوجیوز طقسان سکر بچق غروش
مصارف تمیزیه نک ایلروده حقسز حقیقه جق طرفه
رجوع ایتک اوزره اول امرده مستدعی مرقوم
خجاطور دن النسخه ۱۰ نیشان سنه ۳۱۳ تاریخده
اکثریتله قرار ویرلدی .

اعلام مذکورک خلاصه مآلی مزبور
قره بجاق حسین اغانک حال حیاتده ماروله
جوارنده باغ آره سنده نام محله کان متصرف
اولدیفنی معلوم الحدود بر قطعه ترلاسنه مزبور
حاجی مصطفی اغا جانبندن وقوعبولان مداخله نک
منعی حقنده متوفای مزبور حسین اغانک ورثه سنک
متوفاه کریمه سی زلیخانک متحدومی حسن واحد
طرفلرندن اقامه اولنان دعواسنک مرور زمان
جهتیه ردینه دأر بدایه ویریلان اعلام علیهنده
مرقومان حسن واحد طرفلرندن تصدی اولنان
استیناف دعواسی اوزرینه متوفای مرقوم حسین
اغانک ورثه سائرهمی دخی داخل دعوی ایدیلهرک
اجرا قلنان محاکمه ده مستأف مرقوم حسین اغانک
وفاتندن مقدم ارتحال ایدن اوغلی محمدک ورثه سی
صغار بولندیفنی جهتله بولر حقنده مرور زمان
تحقق اتمیه چکنی درمیان ایتملرینه قارشو حاجی
مصطفی اغا دخی منازع فیه ترلانی متوفی حسین
اغانک حال حیاتده اون بش بیک غروش بدل
مقبوضی مقابلنده مأمورینک ازبیله تفرغ و تاریخ
فراغندن شمعییه دکن اون ایکی سنه بلازاع

آقسی قضاسنک ماروله قصبه سنده مفیه
قره بجاق حسین اوغلی محمدک کریمه سی خدیجه ایله
قصبه مذکورده ساکن حاجی ابراهیم اغا زاده
حاجی مصطفی اغا پیننده متحد دعوایه دأر تکه
بدایت محکمه سندن ۳۰ حزران سنه ۳۰۳ تاریخی
واوتوز سکر عددی ایله استینافاً ویریلان اعلام
مرقوم حاجی مصطفی اغا طرفندن تمیز اولمغله

تصرف ایلدیکجه جهته کندوسی ایچون حق قرار
 ثابت اولدیغنی و محمد ورثه سی میانده صغار
 بولمادیغنی بیان و ادعا ایلسی اوزرینه جریان ایدن
 تدقیقات استینافیه نتیجه سنده مرقوم محمد ورثه سنک
 صغیر بولندقلرندن و بونلرک حقنده هنوز مرور
 زمان بولمادیغندن حق قرار ثابت اولمادیغنی اقامه
 و استماع اولنان شهودک شهادتلیله تحقق ایتمسه
 بناءً مستأنف مرقومان ایله متوفای مرقوم حسین
 اغلک ورثه ساره سنک مرور زماندن طولای
 ادعای سنک ردینه و بر حیات بولنان ابراهیم و عثمان
 ایله وفات ایدن کریمه سی زلیخا حقنده یالکر حال
 صغیره اولدیغنی اکلایشیلان محمد ورثه سنه توسیع
 انتقال نظامنامه سی موجبجه دده لری حسیندن
 انتقال ایدن مذکور ترلانک بشده بر حصه سنک
 محمد ورثه سنه تسلیمه دائر صادر اولان اعلام
 استینافی حکمنه مرقوم حاجی مصطفی اغاجابندن
 عدم قناعتله اعاده محاکمه استدعای اعطاسیله
 متوفای مرقوم محمد ورثه سنک صغیر اولیوب
 کیر بولندقلری و بوجهته انلرک حقنده ده سقوط
 دعوائی موجب مرور زمان بولمادیغنی حالده محکمه یه
 نفوس جریده رسمیه سنه مراجعت و سنلری تحقیق
 قلمقسنزین ورثه مرقومه نک صغیر عدیله منازع فیه
 ترلانک خسمی حصه سنک لاعلی التبعین حسب الوراثه
 ورثه مرقومه یه حکم ایلدسی و اسلملرینک تصریح
 قلمقسنسی مغایر قانون اولدیغنی درمیان قلمش ایسه ده
 محاکمه سابقه ده ورثه مرقومه نک صغیر سنلرینه
 دائر شاهدلر طرفندن وقوع بولان شهادته برکونه
 اعتراض وقوع بولمادیغنی جهته اعتراض مذکورک
 اعاده محاکمه بی موجب اسباب قانونیه دن کوریله
 مدیکه بیانیله اعاده محاکمه استدعاسنک ردینه
 حکمدن و مستدعی تمیز حاجی مصطفی اغلک
 اشبو حکم علیه ده لایحه سنده محرر خلاصه
 اعتراضی انای محاکمه استینافیه ده خلاف قانون
 داخل دعوی ایدیلان ورثه دن محمد ورثه سنک
 اصولی دائره سنده نفوس قیدینه مراجعتله سنلری
 تحقیق اولنق لازم کله جکی و بوجهته اعاده محاکمه
 استدعاسنک قبولی موجب اسباب قانونیه دن
 اولدیغنی درمیان اولنمش ایکن محکمه مذکورجه
 بوبابده وقوع بولان یولسزلغک نظر دقته التمسزین
 اعاده محاکمه استدعاسنک ردینه قرار ویرلسی مغایر
 قانون اولمادیغندن بجهته اعلام مذکورک قضی
 استدعاسندن عبارت بولمشدر .

ایجابی لدی المذاکره اعلام مذکور مآلندن
 اکلشادیغنی اوزره دعوائی واقعه نک عند الاستیناف

تدقیقی اثناسنده استماع اولنان ذی الید شاهدلری
 متوفی محمدک ورثه سی یتیم و یتیمه اولدیغنی سولملرینه
 استناداً ورثه مرقومه ایچون مرور زمان اولمادیغندن
 انلرک حصه سنک تسلیمه دائر ویریلان حکمه
 مستدعی تمیز اعاده محاکمه طلبنده بولنمش و سبب
 اعاده اولق اوزره محمد ورثه سنک نفوس قیدلری اراه
 ایله ورثه مرقومه نک یتیم اولوب اولمادیغنی حقنده
 اصول محاکمه لازم کلان تدقیقات اجرا اولمادیغنی
 درمیان قلمش ایکن اسباب اعاده دن اولمادیغنه حکم
 اولنمش یولسز اولمادیغندن اصول محاکمه حقوقیه
 قانوننک ایکوز اوتوز ایکنجی ماده سی موجبجه
 اعلام مذکورک نقضیه قانون مذکورک ایکوز
 قرق دردیغنی ماده سی حکمنه توفیقاً کیفیتک صور
 مشروحه دائره سنده بالرؤیه اعلامه ربطی ضمنده
 محکمه مرقومه یه اعاده سنه وزیرده مفرداتی مرقم
 درتیوز سکر بچق غروش مصارف تمیزیه نک
 ایلروده حقسنز چقه حق طرفه رجوع ایتمک اوزره
 اول امرده مستدعی تمیز حاجی مصطفی اغادن
 النمسنه ۲۴ حیران سنه ۳۱۳ تاریخنده متفقاً
 قرار ویرلدی .

ادرنه ده چاوش بک محله سنده مقیم ثابت
 افندی ایله ینه ادرنه نک حکومت جاده سنده ساکن
 توتونجی دیمتری بیننده متحدث دعوائیه دائر ادرنه
 بدایت محکمه سندن ۲ تموز سنه ۳۱۲ تاریخنی واللی
 عددیله ویریلان اعلام مومی ایله ثابت افندی
 طرفندن تمیز ایدیلکله طرفینک اعتراض و جواب
 لایحه لریله بالمطالعاه تدقیقات تمیزیه اجرا سنه ابتدار
 اولندی .

اعلام مذکورک خلاصه مآلی مرقوم دیمتری
 مومی ایله ثابت افندی یه برقطعه سند موجبجه
 معلوم المقدار اموال و اشیا سنی ترهین ایدرک
 کندوسندن لیرایوز غروش حسابیله استقراض
 ایلدیکه بدی بیک سکر یوز غروشی هنوز ایفا
 ایتمیکندن مرهون اشیانک فروختیه اتمان
 حاصله سندن دین مذکورک مع فائض تحصیلنی
 و حکمک موقه اجراسنی طلب و دعوی وسند
 مزبوری ابراز و اعطا ایتمی و لاجل المحاکمه
 وقوع بولان دعوته مومی ایله ثابت افندی اجابت
 ایتماسی اوزرینه وکیل مسخر حضور یله عن الغیاب
 جریان ایدن محاکمه و تدقیقانه مبلغ مدعابه مومی
 ایله ثابت افندی نک دینی اولدیغنی مبرزسند مندرجاء
 تیله تبیین ایتمسه منی محله نک بیک سکر یوز اون

سکرنجی ویدیوز الی یدنجی ماده لری حکمنه
توقفاً مرهون اشیانک فروختیه اثمان حاصله سندن
دین واقعک تسویه سنه حکمدن و مستدعی تمیز
مومی الیه ثابت افدینک اشبو حکم علیهنده
لایحه سنده محرر اعتراضاتک باشلوجه سی مبلغ
مدعایی و مبرزسند زیرنده کی امضای وکیل مسخرک
انکاری اوزرینه محکمه جه تطبیق خط و خاتم
قاعدہ سنه توقفاً تحقیقات و تدقیقات قانونیه نک
اجراسی لازم کلور ایکن بویوله اجرای تدقیقات
ایدلمکسزین حکم اولنسی و مرهون مذکورک
فروختی حقنده استناد ایدیلان ماده نک اصلادعوايه
شمولی اولدینی حالده ماده مذکوره به تطبیق حکم
ایدلسی یولسز و مخالف اصول و قانون اولدیغندن
بجمله اعلام مذکورک نقضی استدعاسندن و مدعی
علیه مرقوم دیمترینک نتیجه اجوبه سی دخی سرد
اولنان اعتراضات واهی و بی اساس اولدینی بیانیله
ردی و موافق اصول و قانون اولان اعلام مذکورک
تصدیق طلبندن عبارت بولمشدر .

ایجابی مذاکره اولدقدہ اعلام مذکورک
مطالعہ سندن اکلاشدینی اوزره مومی الیه ثابت
افدینک اموال و اشیاسنی ترهین ایدرک برقطعه
سند موجبجه مرقوم دیمترینک استقراض ایلدیکی

متفقاً قرار ویرلدی .

ساقز جزیره سنک ابویانی محله سی اها لیسندن
نیقولی سربو ایلہ ساقزده مقیم ترزی اصنافندن
استاوری حارقوبولو پینده متحدث دعوايه دائر
ساقز بدايت محکمه سندن ۱۸ شباط سنه ۳۱۱
تاریخی ویتش التی عددی ایلہ ویریلان اعلامک
تمیزی مرقوم نیقولی سربو جانبندن طلب اولتمغله
باش مدعی همومیلک مأموریت علیه سنک مطالعه
نامه سی الندقدن صکره اعلام مذکور طرفینک
اعتراض و جواب لایحه لرله بالمطالعہ تدقیقات تمیزیه
اجراسنه ابتدار اولندی .

اعلام مذکورک خلاصه مالی مرقوم استاوری
گندوسنک ساقز روم مکاتبی متولیلکی جانبندن
حائز اولدینی مأذونیه بناء مکاتب مذکوره عائد
اولوب پارتیه فی موقعنده کائن معلوم الحدود برباب
بانچه بی مشتملاتیه برابر برقطعه مقاوله نامه موجبجه
استفانی بورغولی و یورکی و دریا نام کمسنه لره اوج
سنه مدت و سنوی اوج بیک غروش اجرت تعیینی
و مرقوم نیقولی سربونک کفالتیه ایجار ایتش
ایسه ده مدت مذکور ظرفنده بدل ایجاردن ازغیر
استیفا مطلوبی اولان التی بیک ایکی یوز غروشک
اخذینه موفق اوله مدینه ندن بمجمله مبلغ مذکورک
کفالتی حسابیه مرقوم نیقولا سربودن مع فائض

تحصیلی ساقز بدايت محکمه سنه مراجعتله طلب
ودعوی ورومی العبارة برقطعه مقاوله نامه ابراز
واعطا ایتسنه قارشو مدعی علیه وکیل دخی مدعی
مرقوم هر قدر کندوسنی موجد صفتنده کویستر مکده
ایسه ده مجله نک درت یوز فرق التجوی ماده سی
موجبجه موجد ایجار ایده جکی شیک یا متصرفی
ویا خود متصرفک وکیل ویا خود ولی ویا وصیتی
بولنسی لازم کلدیکی حالده مدعی مرقوم بوکی
صفتلردن هیچ بریسی حائز اوله مامسنه نظراً
مرقومک بویاده موکلنه خصم اوله میه جفنی بالیان
ادعای واقعک ردینی مدافعه طلب و تذکار ایتش
ایسه ده انحق مدعی مرقومک مأجور مذکور
آخره ایجاره روم مکاتبی متولیلری جانبندن
مأذون اولدینی متولیلرک جلب و استجوابندن
اکلاشلش اولدیغندن مدعی علیه وکیلک عدم
خصوصیت حقنده کی ادعاسنک ردبله اساس ماده
حقنده جریان ایدن محاکمه و تدقیقات نتیجه سنده
مستأجران مزبورانک مأجور مذکور مرقوم
نیقولا سربونک کفالتی تحتنده اوله رق اوج سنه
مدتله استیجار ایلدکلری و بدل ایجاردن مؤجر
مرقوم استاوری مارقونک یالکر اوج بیک ایکیوز
غروش مطلوبی قالدینی بالتدقیق تحقیق ایتسی
اوزرینه مبلغ مذکورک حین تأدیسه سنه دکی فائضیه

برابر مرقوم نیقولا سر بودن حسب الکفاله تحصیلیه
مؤجر مرقومه اعطاسنه حکمدن و مستدعی نیقوله
سر بونک اشبو حکم علیهنده لایحه سنده محرر
اعتراضنک باشلوجه سی دعوی واقع تاسیسات
خیریه دن معدود اولان مکاتبه عائد اولسنه نظر آثنا
حاکمه سنده مدعی عمومینک حضور یله مطالعه سنک
استماعی لازم کلور ایکن بولزوم قانونیه رعایت
اولنامسی یولسز و مخالف قانون اولدیغندر بحثله
اعلامک نقضی استدعاسندن و مدعی علیک
لایحه سنده مندرج نتیجه جوابی دخی حکم واقع
موافق اصول و قانون اولدینی بیانیله اعتراضات
مسروده نک ردی و اعلامک تصدیق طلبندن
و سالف الذکر مطالعه نامه مالی دخی دعوی واقع
تاسیسات خیریه به متعلق بولمق اعتبار یله مدعی
عمومینک مداخله سنی مستلزم بولدینی حلاله
بونقطه قانونیه دن ذهول ایدلمش اولسنی جهته
اعتراض واقعک موافق قانون کورلدیکی بیاندن
عبارت بولمشدور . . .
ایجابی مذاکره اولندقدیه اعلام مذکور
مآلندن کلاشدینی اوزره دعوی واقع تاسیسات
خیریه به متعلق اولسنی جهته آثنا حاکمه سنده
مدعی عمومینک حضور یله مطالعه سنک استماعی

ایدن تجارت محکمه سندن ۲۸ تشرین اول
سنه ۳۰۸ تاریخی و التمش اوچ عددی ایله استینافاً

ویریلان اعلامک تمیزینی نازللی قضاسنه تابع
انجه ناحیه سنده مقیم مفتی زاده محمد افندی
باعر ضحال استدعا ایتدیکی حلاله یوم معینه
دائره کلیوب مدعی علیه قضاء مذکورک بازار
قریه سنده متمکن قنارلی پره قوب قصاب افندینک
مطالعه سی استماع اولندقدن صکره تدقیقات
تمیزیه اجرا سنه ابتدار قلندی . . .
اعلام مذکورک خلاصه مالی مرقوم
پره قبول امره محرر برقطعه سند موجبیه مومی
ایله محمد افندی ذمتنده الاجبی اولان الی عدد
لیرای عثمانینک تحصیلنه دائر نازللی بدایت محکمه
سنک تجارت قسندن صادر اولان اعلام غیابی
علیهنده مومی ایله محمد افندی جانبندن محکمه
مذکوره به مراجعتله استیناف دعواسی اقامه
و آثنا حاکمه استینافیه سند مذکور بدلی
مرقوم پره قوبه اعطایتمک اوزره مرقومک ادمی
و قومیسو نیجسی اولان قره قاش اوغلی انکلی به
کاملاً تأدیه ایتدیکنی و بونی شهود شخصیه ایله
اثبات ایده چکی کبی طرفین صفت تجاریه بی حائر
و مبلغ مدعابه امور تجاریه دن منبعث اولدینی
حلاله محکمه مذکوره به وظیفه خارجنده رؤیت
دعوی اولنسی مغایر قانون اولدینی بالیان

اعلام مذکورک فسختی طلب و آثنا ایتمش
ایسنده اولبابده اجرا قلنان محاکمه و تدقیقات
نتیجه سنده وظیفه حقتنده کی اعتراضی ذیل قانون
تجارتک یکر می سکر نیجی ماده سی موجبیه غیر
وارد اولدینی مثللو مبلغ مدعابه بش بیک غروشی
مجاوز و سنده مربوط بولدینی جهته دفع
مذکورک سند ایله آثنا حکم قانون اقتضاسندن
اولسنه مبنی مدافعات واقعنک ردیه اعلام
غیابی مذکورک تصدیقته قرار ویرلدیکندن
و مستدعی تمیزک اشبو اعلام علیهنده لایحه سنده
محرر اعتراضاتنک باشلوجه سی طرفین صفت
تجاریه بی حائر اولدینی حلاله محکمه به وظیفه
خارجنده رؤیت دعوی اولنسی و مبلغ مدعابه
تأدیه ایدلدیکنه دائر شهود شخصیه ایله اثبات
اولمق و اثباتدن اظهار عجز ایدلدیکی تقدیرده
خصمه یمین ویرلمک مقتضای قانون بولمخش ایکن
محکمه مذکوره به بوراسنه دخی دقت اولتمق سزین
برمنوال محرر حکم اولنسی مغایر قانون اولدیغندن
بحثله اعلامک نقضی استدعاسندن و مدعی علیه
وکیلنک نتیجه جوابی اعتراضات مسروده نک
غیر وارد اولدینی بیانیله ردی و موافق اصول
و قانون اولان اعلامک تصدیق طلبندن و معاون
مومی الیهک مطالعه سی دخی مستدعی تمیز

کندوسنک تجار دن اولدینگی ادا ایتدیگی کبی خصمتک دخی صفت تجاریه بی حائر اولدینی اعلام میز بهده مندرج بولمسنه مینی اعتراض مذکورک موافق قانون کوریه مدیکی بیانندن عبارت بولمشد.

ایجابی مذاکره اولدقدده مستدعی تمیزک وظیفه اعتراضی معاون مومی الیهک مطالعه سی وجهله غیر وارد کوریه رک رد ایدلکدن صکره اساس ماده نک تدقیقه کریشلده اعلام مذکور مائلندن مستبان اولدینی اوزره بدایه مدعی علیه بولنان مدیون مومی الیه محمد افندی مبلغ مدعا بی مدعی مرقوم پرقوبه دفع وتسليم ایتدیکنی عندالحاکمه مدافعه بیان وادعا ایتسنه نظراً مدافعه واقعه سنی قانون دائره سنده اثبات ایتک واثباتدن اظهار عجز ایلدیکی تقدیرده مدعی مرقوم پرقوبه یمین ویردیر مک حتی درکار اولدینی جهته مدیون مزبور دن خصمتک تحلیفه طالب اولوب اولدینی بالسؤال اکا کوره حکم وقرار ویرلک لازم کلورکن محکمه مذکور جه بوداره قانونیه ده اجرای معامله اولنماسی مغایر قانون اولدینغه ومستدعی تمیزک اعتراضاتی بوجهته متدائر اوله رق شایان قبول بولدینغه بناء اصول محاکمه حقوقیه

قانوننک ایکوز اوتوز ایکنجی ماده سی موجبجه اعلام مذکورک نقضیه قانون مزبورک ایکوز قرق دردنچی ماده سی حکمنه توفیقاً کیفیتک صورت مشروحه دائره سنده یکیدن بالرؤیه اعلامه ربطی ضمنده محکمه مذکوریه اعاده سنده وزیرده مفرداتی مرقم درتیوز اون طقوز بچق غروش مصارف محاکمه نک ایلروده حقسز چیه جق طرفه رجوع ایتک اوزره اول امرده مستدعیدن النسنه ۱۳ تشرین اول سنه ۳۱۰ تاریخنده متفقاً قرار ویریلرک تفهیم قلندی .

قرق اغاج بدایت محکمه سندن ۱۰ نیسان سنه ۳۰۵ تاریخی واون عددی ایله ویریلان اعلامک تمیزینی استسدا ایدن دیون عمومیه اداره سی وکیلی عکیان کر قور افندی تعیین قلنان کونده دائره یه کلش ایسه ده مدعی علیها قرق اغاج سنجانک حضر اغا وجین عثمان محله لری

اهالیسندن مفتی زاده عبدالمجید وحافظ مصطفی افندیلر کلدکلرندن یالکر اداره مذکوریه وکیلنک ایضاحات شفاهی سی ایله باش مدعی عمومی معاونلرندن سعادتلو یورغا کی افندیکنک مطالعه سی استماع قلندی .

اعلام مذکورک خلاصه مائی قرق اغاج سنجانی دیون عمومیه اداره سی سواری قولجی سابق چرکس ابراهیم افندیکنک دیون عمومیه مأموریتنه وکالتی صروده ظهور ایدن درت بیک سکر یوز یتش اوج غروش ذمتندن کفیللری بولنان مومی الیهما عبدالمجید ومصطفی افندیلرک مسئولیتلریله برابر عهده تصرفلرنده بولنان املاکی اوزرینه وضع ایدیلان حجزک تصدیق حکمنی متضمن قرق اغاج بدایت محکمه سندن

مابعدی وار

اعلا

دسپنو قادین ایله اوغللری دیمتری ویوصف ودامادی بدوس اغارک اصالة وکفالة با اعلام

نظامی مناو یوان اغایه محکوم به دینلری اولان مبالغک تأمین استیفاسی ایچون مرقوموندن دسپنونک مستقلاً دیمتری ویوصفک بدرلری متوفی یاقوفدن انتقالاً متصرف اولدقلری قومقبوده محسنه خاتون محله سنده صامسون زواقغنده کائن التمش درت ارشون عرصه اوزرینه مینی وتحتده بر بودرومی حاوی وشهری یوز سکسان غروش کرایلی بر نومرولی برباب دکانی ملککنک ایکی یوز الی درت بچق حصه اعتباریله الی ایکی بچق سهم دسپنونک والیشیر بچق سهم دیمتری ویوصفک ملک حصه لری ومذکور دکانده مستقر یوزیکرمی سهم اعتبارلی بقال کدکنده سکسان سهمندن دیمتری ویوصفک یکر میشر سهم کدک حصه لری ومحله مذکورک اوردکلی بقال زواقغنده کائن ونهمیناً ایکی یوز اون ارشون عرصه اوزرینه مینی وشهری یوزیکرمی غروش کرایلی ایکی نومرولی فسجی ویوز غروش کرایلی درت نومرولی پروکار ویوز التمش غروش کرایلی الی نومرولی اشجی دکانلریله درت نومرولی خانه ملککنک ایکی یوز الی درت سهم بچق سهم اعتباریله الی ایکی بچق سهم دسپنو والیشیر بچق سهم دیمتری ویوصفک وایکی نومرولی فسجی دکانده مستقر ویوزیکرمی سهم اعتبارلی عطار کدکندن اوتوز سهم کدکنه

دیمتری و یوصف و درت و مکرر درت و التي
نومرو لوله املاك دروننده مستقر و یوز یکر می
سهم اعتباری صیغر قصابی کدکنده قرق سهم
کدک دسپنو قادی و یکر میشر سهم کدک دیمتری
و یوصف عهده لرنده اولوب املاك مذ کوره دن
مرقومونک مسکنلری اولان درت نومرو لی
خانه دن ماعداسنده مرقومون دسپنو قادی ایل
دیمتری و یرصفق ملک و کدک حصه لری و چادرچی
احمد چلبی محله سنده قوم قیو اسکله سی جاده سنده
تخمیناً بتمش ارشون عرصه اوزرینه مبنی و یوز
التمش غروش کرای بر نومرو لی بقال دکانی
در رنده مستقر یوز یکر می سهم اعتباری خوشا
بجی کدکندن بروجه ملکیت تصرف اولنان یکر می
ایکی بجق سهم کدک قرق سکر سهم ترتیبه
بحسب الورانه یا قوفدن انتقالاً دسپنونک التي
ودیمترینک اون درت سهم و بروجه و قفیت تصرف
اولنان التمش سهم کدکن دیمترینک اون بش سهم
کدک حصه لری و نصف ملکدن دیمترینک ربع
ملک حصه سی و بدوسک قاسم پاشاده خبر خانه
جاده سنده تخمیناً یوزاون آرشون عرصه اوزرینه
مبنی و فوقیده بر اوطهی حاوی بش نومرو لی
بر باب کارگیر دکانه کی نصف حصه لری تحت
حجزه الیرلمش اولدینغندن املاك مذ کوره دن

۲۱ مایس سنه ۳۱۴

فاطمه کلتر خانمک محمد افندی ذمتنده بااعلام
نظامی محکوم به مطلوبی اولان مبالغتک تأمین
استیفاسی ایچون مدیون مومی الیهک عهده سنده
اولوب محجوز و فروختی مقرر بولنان خراجچی
محمی الدین محله سنده چرچر جاده سنده واقع اوتوز
درت نومرو لی خانه دن مفروز و تخمیناً بیک ارشوندن
عبارت بر نومرو لی بر قطعه عرصه تمامی بالمزایده
لیرا یوز غروش حسابیله سکر بیک غرو شده
طالبی عهده سنده تقرر ایتکله یوزده بش ضمیمه
طالب اولانلرک ودها زیاده معلومات المی ایسته
یانلرک اوتوز بر کونه قدر در سعادت اعلامات

نظامیه اجرا دائره سنه مراجعت ایللری اعلاز
اولنور ۲۰ مایس سنه ۳۱۴

فی ۴ مایس سنه ۳۱۴

محمد عونی افندیکن در سعادت بدایت
محکمه سی حقوق دائره سندن استیصال ایلدیکی
اعلام موجبیه مفتی حمای جوارنده چراغی
حوزه محله و جاده سنده خانه دهه مقیم محمد جمال
افندی ذمتنده ایکی قطعه اعلام موجبیه الاجنی
اولان معلوم المقدار مبالغتک تأمین تسویه سی
ضمتنده مدیون مومی الیهک عهده تصرفنده بولنان
ایکینجی دائره بلدییه داخلنده چراغی حوزه محله
و جاده سنده واقع مفروز سکر ارشون
عرصه نلک تمامی ایله ایکی یوز اوتوز ایکی ارشون
عرصه نلک نصف حصه شایعه سی التمش بر کون
اجرا قلنان مزایده علنیه نتیجه سنده لیرای عثمانی
یوز غروش حسابیله ایکی بیک التیوز غرو شده
طالبی عهده سنده تقرر ایلش و مدتک انقضاسنه
مبنی موقت قرار داده سی کشیده قلنش اولغله
بولندن زیاده یعنی یوزده بش ضمیمه طالب اولنلرک

ترشیچی اصنافدن مصطفی اغانک اصناف
مرقومه دن حسین اوسته ذمتنده ایکینجی محکمه
تجارت اعلامیله الاجنی اولان ایچمک تسویه سی
ایچون ترخان یونس محله سنده در اغمان جاده سنده
بر نومرو ایله مرقم دکان دروننده مستقر و مدیون
مرقومک متصرف اولدینی یومی بر بچق ایچ
اجاره مؤجله لو ترشیچی کدکی بولندن اقدام موقع
مزایده قونیله رق عثمانی لیرای یوز غروش
حسابیله اوچ بیک غرو شده طالبی عهده سنده
قلمش و تاریخ اعلاذن اعتباراً اوتوز بر کونه یعنی
کله جک جزیران رومینک اوتوزنجی صالی کونی
ساعت اونه قدر یوزده بش ضم قبول اولنمی
و ذکر اولنان یوم و ساعتده صوک مزایده سی

در سعادت محکمه تجارتی برنجی مجلسندن استحصا
ایلدیکی ۸ مارت سنه ۳۱۳ تاریخلی و ۴۲ نومرولی
واللی لیرا ایله یکریمی اوچ غروش اوتوزپارهنک
گذشته و مصارف محاکمه ایله برابر تحصیل حکمنی
حاوی برقطعه اعلام غیابینک صورت مصدقه سی
برمنوال محرر محکوم علیه اقامتگاهی مجهول
بولندینی جهته اعلاتاً تبلیغات قانونیه نک اجراسی
طلب اولنمش اولمغله اولوجهله اصول محاکمه
تجارت نظامنامه سنک یکرمنجی ماده سنک فقره
اخیره سنه توفیقاً صورت مذکوره تبلیغ اولنمش
عد اولنمش اوزره محکمه نک دیوانخانه سنه تعلیق
اولندینی کبی اوراق حوادث واسطه سیله دخی
اعلان قلندی .

فی ۲۱ محرم سنه ۳۱۵

وفی ۳۰ مایس سنه ۳۱۴

مطبعة عامره ده طبع اولنمشدر

بالاجرا قرار قطعیسی ویریلهرک طالبی عهد سنه
یکجورلمسی مقرر بولنمش اولدینندن واندن صکره
هرنه ضم وقوعبولور ایسه قبول اولنمیه جفتندن
مذکور کدکه یوزده بش ضمیمه طالب اولانلرک
ودها زیاده معلومات المقتضی استیانلرک مدت مرقومه
ظرفنده بدل مزایدنک عشرینه مساوی پی
انچه سیله برابر محکمه تجارت اجرا مأموریتنه
مراجعت ایللری ویوم ووقت مزبورده مذکور
دکان پیشگاهنده حاضر بولنملری مأموریت مومی
الیهادن اعلان اولنور .

۳۰ مایس سنه ۳۱۴

غلطده خفایان خاندنده تجار معینده
مستخدم تبعه یونانیه دن انارکیرو ولدپاولو لقونک
قاضی کوبنده موده جاده سنده ساکن ایکن محل
مذکوری ترک ایله دیار اخره عزیمت ایدوب
نه طرفده بولندینی مجهول ایدوکی قریه مذکوره
روم مختاری طرفندن خبر ویریلان تبعه دولت
علیه دن قومیسوونجی ملتیدایس قلوناریدیس علیه